

مکتبہ اسلامیہ

❁ ادبی و سیاسی رسالہ اسبوعیہ در ❁

۳۱ نجی سنہ

۳ شعبان ۱۳۳۰

❁ پچیشنبہ ❁

جلد: ۱۵ - جزو: ۱۵۵

۱۱۷۱ - ۱۲۱۳ - ۱۳۳۰

سنین هجریه لری

اقوام فاضله غریبه آرمسندده افراد ملتدن برر صورت و مزیتله
انفراد نمای کمال اولمش ذواتک ابقای نامی مقصدیله هیکلر ، مونومانلر رکز
و انشاسی عادت اولدینی گی، ولادت و ارتحاللرینک یوزنجی سالنده تذکار
و تجلیل نام و شانی ایچون بعض مراسم احترامیه ده بولمق عادت دیرینه سنه
مراسمات اولتمقده در .

اقوام اسلامیه میاننده گذشتگان ملتدن فلان و فلانک ولادت و یا
وفاتی نامنه بریوم معین و مخصوص اتخاذیله یاد و ذکر اوصافنده بولمق عادت
اولماشدر . یالکیز اوائل اسلامده ابنای قوم آرمسندده علم و فضلی ایله
اشتهار ایتمش بعض اعظمک وقوع ارتحالی هر هانگی بلده اسلامیه ده شایع
اولدینی متعاقب درحال جماعات مسلمین طرفندن متوفانک نامنه صلاة میت
اقامه اولنور و بوصورتله هم استیجاب رحمت و مغفرت همده لازمه تعزیت
و حرمت ایفا ایدلمش اولوردی .

حتی صاحب مذهبیز ، نمان بن ثابت جنابلرینک وفاتلرنده بلاد اسلامیه
میهدن قرق محلهده بو وجهله غیاباً اقامه صلات ایدلمش اولدینی مضبوط -
تواریخدر .

ایشته اسلامده تذکار نام یولنده بوندن بشقه بر راسمه احترام یلیبورز .

§

عنوان مقامنده بالایه قید ایلدیکنمز ارقام تاریخیه ، اگر طوغری ایسه
کچن جمعه گونی قله قیوسی مولویخانه سنده ، نامنه مراسم تذکاریهده بولینلان
شیخ غالب مرحومک سنه ولادتدن بوگونه قدر ۱۵۹ و سنه وفاتدن بری ده
۱۱۷ سنه مرور ایتمشدر .

عجبا شو ايکي وقعه ايله ۱۳۳۰ سنه سی آرە سنده نه کي مناسبه تصور اولوبده شيخ مومي اليه نامه بويله بر راسمه تذکاريه ترتيب واجرا اولمشدر. ايسته آکلایه مدیفرز و آکلایق ایستدیکمز شی بودر .

شيخ غالب ، ارب و ادب ايله تزین ذات وصفات ایتمش بر شاعر متفکر . حتی حسن و عشق نامنده کی نشیده اعجاز کارانه سی غیر قابل تنظیر بر شاعر ایتمش . بک اعلا ، فقط ۱۳۳۰ سنه سی رجبتک یگر می یدنجی کونی ايله شيخ غالبک ولادت وقاتی ارانه ایدن تاریخلر آرە سنده مناسبه کوره میورز . مثلاً شيخ غالب ۲۷ رجیده طوغمش یاخود اولمش اوله بیلیر . بحث ۲۷ رجیده دکل ، مراسم احترامیه نک ۱۳۳۰ سنه سی رجینده ایفا اولمشنک حکمتنده در . اقلا ۲۷ رجب تاریخی ، فنا بر تاریخ جمعنی در . حتی شيخک ولادت و یا وفاتی ایچون تعیین اولنان ۲۷ رجبتک بیله ، نفس الامرده ۲۷ رجب اولوب اولمدینی محتاج تدقیقدر . (۱) بو تحقیق ایتسه بیله شهر قریه نک معلوم اولان هجری سبیلده دده افندی ایچون تعیین اولنان ۲۷ رجب ۱۱۷ سنه ظرفنده ۱۴۰۴ دفعه تبدیل موقع ایتمش و بر شاعر بلیفک :

« سماءه مولوی آیدنی تنظیر ایدر مهتاب »

قوليله ایما ایتدیگی اوزره قر ، منظومه شمسیه مزک کندیسنه تخصیص ایتدیگی دارمده متصل دونمکده اولمشندن طولانی بو ۲۷ رجبله اق ۲۷ رجب آرە سنده ۱۱۷۰ دفعه تفاوت حاصل اولمشدر .

بو بحثنده شهر قریه تابع طوسیلاان ایام مشهوره اسلامییه مثال اتخاذ ایدیله مز . چونکه آنلرک بر طاقی اثرله ثابت و بر طاقی حقنده اجماع علما لاحق اولدیغندن هیچ بر وقت مدار گفتگو اوله ماز .

(۱) [تهکیم سنه حالبه رجبی یکر می بش کون ظرفنده ایکی دفعه غره سی دکشدیرمک غرابانی کوسترمشدر .]

شوراسنی ایضاح ایدم : شیخ غالب کبی بر شاعر علوی فکرت نامنه
اجرا ایدیلان راسمه قدردانی به معترض بولنیورز ظن اولنسون . ضرسیونک
اکابر ملت حقارنده عادت ایدیندکلی بو طرز احترامی تقلید ایله رجال
ماضیه مزدن نام معالی اتساملری شایان تذکار اولانلری حالدهده . مستقبلادهده
اولاد وطنه بیلدیرمک و قلوب امتده آنلره جای حرمت و محبت وجوده
کتورمک فرض عین حکمندهدر . چونکه برملتک اعصاب عصبیتی آباء عالی-
مزلتی حقیه ادراک و تقدیر سایهبنده کسب صلابت و دیمومت ایدر .

فقط تقلیدده دخی معقولاندن آبرلاماق لازمدر . چونکه کودکا اولان
هر معامله بر قومی مسخره ایتمکدن بشقه بر شیئی مفید اولماز .
شیخ غالبک وفاتی ایچون ۱۱۷۱ سنه شمسیه سی و وفاتی ایچونده ینه
۱۲۱۳ سنه شمسیه سی معتبر طوتیلور و اوروبالیرک (سائنه ز) دیکلری
(دوره صدسال) قاعده سی التزام اولنه جق اولورسه ۱۳۷۱ ده وفاتی و ۱۴۱۳ ده
ولادتی نامنه مراسم تذکاریه ایفا ایدمک اقتضا ایدر .

بوندهده یوم ولادت و وفاتندن هانگیسی ثابت اولورسه یوم تذکارک آکا
تخصیصی لازم گلیر . بوقسه بویله طوروب طور برکن ۲۷ رجیده طوغمش
ویا اولمشدر ؛ دیه بر آدم ایچون اجرای مراسمده بولنق پک گولنج بر حرکت
اولمش اولور . و هیچ بر وقت مقبول و معقول عد اولماز .

۲۸ حزیران افرنجی به مصصادف اولان اوج هفته مقدمکی جمعه گونی
ژانزاق روصونک مائه ثانیه ولادتی ایدی . یالکیز مسقط رأسی اولان جنوره
شهری اهالیسی دکل ، عموم اقوام فاضله غربیه عندنده اولای نغم حریتک
اک بنامی و هله فکر سرستینک یورولماز بر ساعی فضل اتسامی اولان
بو حکیم بیمدانینک تاریخ ولادت و ارتحالی شویله طورسون لمحات بصرینه قدر
هر طور حالی مضبوط بولندیغندن یوم ولادتنده اجرا ایدیلان مراسمده
بولنق اوزره عالم مدینتک هر طرفدن بر جوق آدم گلشدر .

اعتماد ایدیلسون، که مثلاً عمر بن خیّامک یوم ولادت و وفاتی مضبوط
 اولسهده اوقون ایچون بر راسمه تذکاره تشبث ایدلسه، بو مراسمه اشتراك
 ایدمك ايرانيلردن زیاده انگلیز و آلمانلر کوريله جکدر. چونکه آنک
 رباعیاتی یالگیز انگلترهده یدی سکر ذات طرفدن ترجمه ایدلمش و انگلتره
 ادباسی عنندنه (میلتون) ک اشعاری قدر شایع اولمشدر.

روصونک یانته نؤنده کی لحدی اوزرینه انشا اولنان مونومان اوق حکیم
 بلعجبک اختصاصاتی تصویر ایدبوردی. بونک ایچون ارباب معارف طرفدن
 یوز بیك فرائق راده سنده بر مصرف اختیار اولمش و بوگا بارس بلده سیده
 آریجه اشتراك ایلشدر.

اولکی کونکی غزته لرده اعلان اولنان یکونسه نظراً شیخ غالبک قبری
 نامنه جمع ایدیلان یاره آتجق ۴ بیك غروشه بالغ اولمش و بعد المصرف
 ۴۰۰ کسور غروش آرمشدر.

بوکیت خسیسه، ملتک ثروت عرفان و تقدیرینه بر مقیاس عد اولنه.
 بیلیر. اعمال زور بازوده کی صلاحتی حیثیتیه خادمان تجدد مزک قافله سالاری
 اولا علمدارک کیم اولدیغنی بیله میان و نقل جسمدی مراسمنده (مقات ایدن
 کیمدر؟) دیه بو مراسمه مجرد (جنازه نمازی قیلق) ایچون اشتراك ایدن
 افرادی کثرته بولنان، بر خلق، بر قوم، بر ملت دها بویله شیلردن یک
 چوق فرسخ بعید بر مرحله غفلتده در دیمک اولور.

شیخ غالبک صندوقه سنه بر طوب فرمایش شال اورتمکله شاعرک ماهیت
 عرفان و کمالی تعیین ایديله من. هر نه زمان ملت بر لوحه خارای مجالیه مالکته.
 حسن ایله بری عشقی تصویر و نحت صورتیه بر بدیعه صنعت وجوده کتیرمک
 لزومی ادراک و آنک حصوولچون بیکلرله افراد و اولاد عرفانی نقداً
 اشتراك ایدرسه ایشه اوق زمان شیخ غالبک شانی اعلا ایدلمش اولور.